

მე-10 კლასი

მშობლიური, ქართული ენის ფინალის ტესტი 100 ქულიანია. ტესტში ჯამურად დაგხვდებათ 30 საკითხი (შეკითხვა). ტესტი შედგება 2 ნაწილისაგან:

◆ წაკითხული ტექსტის გააზრება (40 ქულა)

◆ გრამატიკული და ლექსიკური დავალებები (60 ქულა)

ტესტის ყველა შეკითხვა არჩევითაა დასაბუთებული, დახურული ტიპისაა. თითოეულ შეკითხვას აქვს სამი სავარაუდო პასუხი: ა, ბ ან გ, რომელთაგანაც მოსწავლეს ერთი სწორი პასუხის შერჩევა ევალება.

ნაწილი #1 - წაკითხული ტექსტის გააზრება

ტესტის ამ ნაწილში 10 შეკითხვაა და თითოეული სწორი პასუხი ფასდება 4 ქულით. შესაბამისად, ამ ნაწილის ჯამური ქულაა 40.

აღნიშნული სავარჯიშოს შესრულებისას მოსწავლეს მოუწევს ამონარიდის წაკითხვა „ვეფხისტყაოსნიდან“, მისი გააზრება და გაანალიზება. შეკითხვები შეეხება:

- პერსონაჟების თვისებებს,
- ამონარიდში მოცემულ მოვლენებს შორის მიზეზ-შედეგობრივი კავშირების აღმოჩენას,
- ტექსტის მთავარი სათქმელის/იდეის გააზრებას;

მოსწავლეს უნდა შეეძლოს ისეთ შეკითხვებზე პასუხის გაცემა, როგორებიცაა:

ვინ ვის უამბობს მოცემულ თავში გადმოცემულ ამბავს?

რა მხატვრული ხერხია გამოყენებული ციტატაში

და სხვა.

ნაწილი #2 - გრამატიკული და ლექსიკური დავალებები

ტესტის მეორე ნაწილი შეეხება გრამატიკულ და ლექსიკურ საკითხებს. ტესტის ამ ნაწილში 20 დავალებაა და თითოეული სწორი პასუხი ფასდება 3 ქულით, შესაბამისად ამ ნაწილის ჯამური ქულაა 60.

მოსწავლემ უნდა გამოავლინოს ცოდნა სხვადასხვა მიმართულებით. ესენი გახლავთ:

- ნაცვალსახელები
- ზედსართავი სახელი,
- ზმნიზედა,
- თანდებული,
- კომპოზიტები,
- რიცხვითი სახელი და მათი ბრუნება,
- ზმნა და ზმნის დრო,
- არსებითი სახელი და მასთან დაკავშირებული მართლწერის წესები,
- წინადადების აგებულება,
- წინადადების მთავარი და არამთავარი წევრები,
- კომპოზიტები,
- კავშირი,
- მორფოლოგია
- მხატვრული ხერხები

მაგალითად:

როგორია წინადადება აგებული მისხედვით?

“ბადში თამაშობდა ბიჭი, რომელიც ყურადღებით აკვირდებოდა ბელურებს.”

ა) მარტივი ბ) რთული ქვეწყობილი გ) რთული თანწყობილი

რომელ წინადადებაშია პუნქტუაციური შეცდომა?

- ა) მგელს ბრიალა და სისხლიანი თვალები ჰქონდა.
- ბ) კაცს მარტო კურდღლის გულის ბაგაბუგი ესმოდა.
- გ) როცა დახმარება დასჭირდა სწორედ მაშინ მიატოვა მეგობარმა.

შეგახსენებთ, **ფინალური ტური 4 მაისს ჩატარდება**. ფინალთან დაკავშირებული ყველა საჭირო ინფორმაციის ნახვა ამ ბმულზე შესაძლებელია: <https://www.kings.ge/news/1321>

კინგსის გუნდი გისურვებთ წარმატებულ ასპარეზობას!